

## Kalendari i lutjes “Ngritja e kampionëve” Shtator 2019

1. At qiellor, ligji yt na udhëzon ta duam njëritjetrin. Gjithësesi, përpjekjet e mia për të dashur të tjerët gjithmonë dështojnë. Përpjekjet e mia mishore dështojnë dhe përfundoj duke i shërbyer vetes. E kuptoj që Ti je Burimi i dashurisë së vërtetë. Meqë fryti i Frymës është dashuria, të kërkoj Frymë e Shenjtë të më mbushësh e t'i duash të tjerët përmes meje. (Romakëve 13:8-10).

2. O Zot, dikur mendoja se ligji yt ishte një qëllim i paarritshëm drejt të cilit duhet të luftoja fort. Tani e shoh se ligji i Perëndisë është i bashkangjitur në personin e Perëndisë – Zotin Jezus Krisht. Dhe që kur të kam pranuar Ty, ligji është shkruar tashmë në zemrën time. Ti je këtu për ta përmbushur ligjin. Prandaj, unë të besoj të realizosh vullnetin tënd përmes meje. Urdhërimet e tua nuk janë më të rënda, por janë kënaqësia ime. (Psalmi 40:8)

3. Zot i dashur, Ti e bërë kaq të thjeshtë; gjithçka që duhet të bëj është të bindem Ty. E megjithatë bindja është kaq e vështirë, në fakt e pamundur. Ti e di që shërbimi i buzëve apo rituali nuk ka për të më ndihmuar mua dhe patjetër nuk ka për të nderuar Ty. Jeta Jote në mua bën të mundur që unë të bindem ty me anë të Frymës. Më ndihmo të përjetoj besimin tek Ty në mënyrë që Ti të realizosh qëllimet e tua përmes meje. (Romakëve 16:26)

4. At Perëndi, si krijuesi im, Ti më fton të dorëzoh veten tek Ty në mënyrë që Ti të më aftësosh të jetoj jetën ashtu siç ti ke për qëllim. Të falenderoj o At për sigurimin në jetën time. E dorëzoh veten time plotësisht tek Ty. Të besoj ty të më ndihmosh të gjej qëllim dhe përmbushje në jetë ndërsa Ti jeton jetën tënde përmes meje. Faleminderit që je urtësia ime në gjithçka që them dhe bëj! (Psalmi 90:14)

5. *"Krijë në mua një zemër të pastër o Zot dhe përtëri një shpirt të ri në mua. Mos më largo nga prania jote, Shpirtin tënd të Shenjtë mos ma hiq. Kthemë gëzimin e shpëtimit dhe përkrahmë me frymë dashamirës."* (Psalm 51:10-12.)

6. Një jetë lutëse e një kampioni është pjesë e ecjes së tij personale me Zotin. Ndërmjetësimi vjen nga këshilla e Zotit dhe frymëzohet nga gëzimi. "Unë do të bekoj Zotin që më këshillon; zemra ime më mëson edhe natën. Ti do të më tregosh shtegun e jetës; ka shumë gëzim në praninë tënde; në të djathtën tënde ka kënaqësi në përjetësi." (Psalmi 16:7.11).

7. Kur sprovat vijnë drejt nesh, ne duhet të përcaktojmë që më parë se do të qëndrojmë fort në besimin tonë në mirësinë, aftësinë dhe sovranitetin e Zotit. Profeti dha këtë përfundim: "Ndonëse fiku nuk do të lulëzojë dhe nuk do të ketë asnjë fryt të hardhitë, ndonëse punimi i ullirit do të jetë zhgënjyes, ... unë do të ngazëllohem tek Zoti dhe do të gëzohem te Perëndia i shpëtimit tim." (Habakuku. 3:17,18),

8. Gjatë darkës së fundit, Zoti Jezus paralajmëroi dishepullin e Tij: "Simon, Simon, ja, Satani ka kërkuar t'ju shoshë ashtu siç shoshet gruri. Por unë jam lutur për ty, që besimi yt të mos mpaket; dhe ti, kur të jesh kthyer, forco vëllezërit e tu." (Luka 22:31,32). Ndërsa përballemi me betejat shpirtërore, të lutemi me siguri që Krishti ndërhy për ne, dhe madje do të sundojë mbi dështimet tona ndërsa ne strehohemi tek Ai.

9. Edhe pse mishi në ne është një pengesë, ne kemi potencialin t'i dorëzohemi në lutje Frymës së Zotit, duke i besuar Atij të mbartë frute përmes nesh. "Por fryti i Frymës është: dashuria, gëzimi, paqja, durimi, mirëdashja, mirësia, besimi, zemërbutësia, vetëkontrolli.

Kundër këtyre gjërave nuk ka ligj. Edhe ata që janë të Krishtit e kanë kryqëzuar mishin bashkë me pasionet dhe lakmitë të tij. Në qoftë se rrojmë në Frymë, në Frymë edhe duhet të ecim." (Gal.5:22-25)

10. Lutja është aq e rëndësishme saqë Krijuesi i jep një ftesë personale dhe një premtim Jeremias dhe ne. "Kështu thotë Zoti që bën këtë, Zoti që e formon për ta vendosur, emri i të cilit është Zoti: M'u drejto dhe unë do të të përgjigjem dhe do të të njoftoj gjëra të mëdha dhe të padepërtueshme që ti nuk i di. (Jer. 33:2,3)

11. Psalmisti shkroi: "zemra ime beson në Të", kur mendonte për Zotin. Lutu që Zoti të thellojë besimin e burrave në Të ndërsa ata përballen me sfidën e të qenit një bashkëshort dhe një baba. (Psalm 28:7).

12. Frika dhe ankthi janë shpesh kontribuesit kryesor të zemërimit, por një burrë që i beson Zotit "nuk ka shqetësim në një vit thatësire". Lutuni për etërit të modelojnë këtë besim dhe ecje në paqe para fëmijëve të tyre (Jeremia 17:8)

13. Kur bashkëshortët kanë vështirësi me gratë e tyre, lutuni që ata t'i besojnë Zotit që të ndajnë gjithë shqetësimin dhe acarimin e tyre me Të (1 Pjetri 5:7)

14. Si kreu i shtëpisë, burrat mund të ndihen të mbingarkuar nga nevoja për të zgjedhur midis opsioneve të konkurrencës pikërisht në momentin kur duhen marrë vendime. Lutuni që këta burra t'i besojnë Zotit mjaftueshëm sa të ecin përmes besimit dhe jo asaj që shohin (2 Korintasve 5:7).

15. Në kohë sfidash, lutuni që bashkëshortët dhe etërit të tregojnë fuqinë e të besuarit tek

Zoti duke e pranuar vullnetin e Tij para fëmijëve, fqinjve dhe komunitetit (Jobi 1:21)

16. Zot, çfarë lloj agjërimit të kënaq ty? A duhet të lëmë mënjanë 1 ditë të përulemi para teje? A mos duhet vetëm të ulim kokat si drerët apo të vishemi me thes dhe hi? A është ky ai që mund ta quajmë agjërimit dhe një ditë të pranueshme për ty, Zot? (Isaia 58:5)

17. Ti na ke treguar llojin e agjërimit që ti ke zgjedhur: të thyejmë zinxhirët e ligësisë, të zgjidhim verigat e zgjedhës, t'i lëmë të lirë të shtypurit, të dërmojmë çdo zgjedhë, të ndarjmë bukën me atë që ka uri, të sjellim në shtëpinë tonë të varfërit pa strehë, të veshim ata që janë lakuriq, pa lënë pas dore ata që janë nga gjaku ynë. (Isaia 58:6-7)

18. Ti gjithashtu na tregon se kur ne të nderojmë ty në këto mënyra, drita jonë do të shpërthejë si agimi, dhe shërimi ynë do të mbijë menjëherë; drejtësia jonë do të na pararendë dhe lavdia e Zotit do të jetë paparoja jonë.

19. Ne do të therrasim dhe ti do të përgjigjesh; ne do të therrasim për ndihmë, dhe ti do të thuash: "Ja ku jam." Në rast se ne heqim dorë nga zgjedha, tregimi me gisht dhe të folurit mbrapsht, në rast se plotësojmë nevojat e të uriturit dhe ngopim shpirtin e pikëlluar, atëherë drita jonë do të lindë nga terri dhe terri yt do të jetë si mesdita. (Isaia 58:9-10)

20. Ti do të na drejtosh gjithmonë; ti do të na kënaqësh në vende të thata dhe do të forcosh kokat tona. Ne do të jemi si një kopësht i vaditur dhe si një burim uji, ujërat e të cilit nuk shterojnë. (Isaia 58:11)

21. Ne do të rindërtojmë rrënojat e lashta dhe do të ngremë përsëri themelet e shumë brezave; ne do të quhemi riparues të të carave,

restaurues të shtigjeve për të banuar në vend. (Isaia 58:12)

22. Kur ju ftuat Jezusin në jetën tuaj si Zotin dhe Shpëtimtarin tuaj, ai menjëherë filloi procesin e transformimit tuaj nga brenda. Lutuni që ai do të vazhdojë këtë proces duke ju mbushur ditë për ditë me Frymën e Shenjtë. (Filipianëve 1:6)

23. Kur Jezusi ka kontroll në jetën tuaj, jeta juaj e përditshme bëhet një udhëtim i mrekullueshëm. Lavdëroni emrin e Tij të Shenjtë sot dhe falenderoni Zotin që ai e mundi vdekjen kur u ngrit sërish nga varri dhe tani Ai na ofron të jetojë në ne dhe përmes nesh. (Gal 2:20)

24. Kur ti ke frikë Perëndinë, atëherë nuk ke pse ke frikë asgjë apo askënd tjetër. Nën mbrojtjen e tij asgjë nuk mund të na dëmtojë, vetëm rastet që Ai i lejon të ndodhin. Lavdërojeni Atë për gjithëprezencën e tij dhe jepini falenderim për dashurinë pa kushte dhe kujdesin për ju. (Mateu 28:18)

25. Zoti nuk na ka lënë ta jetojmë vetë jetën tonë të krishterë. Ai dërgoi Frymën e Shenjtë të na aftësojë dhe fuqizojë. Le të lutemi që ne si burra ta kërkojmë mbushjen e tij të freskët me Frymën e Shenjtë që Krishti të jetojë në ne dhe përmes nesh. (Gjoni 15:1-8)

26. Ne jemi thirrur të jemi dëshmitarë të Krishtit por jo në fuqinë e mishit tonë. Fryma e Shenjtë na aftëson të jemi dëshmitarët e Tij. Le të përulemi para Zotit rregullisht, duke kërkuar fuqinë e Tij për të qenë dëshmitarë besnikë të Jezusit. (Veprat 1:8)

27. Fryma e Shenjtë prezanton Trinitetin në tokë e megjithatë shpesh herë Ai injorohet dhe pikëllohet. Le të jemi të kujdesshëm të mos e pikëlojmë Frymën e Shenjtë, dhe ta lëmë

mënjatë si një forcë objektive, por ta nderojmë Atë si anëtar të barabartë të Trinitetit. (Efesianëve 4:30)

28. Bibla na këshillon të mbushemi me Frymë. Lutuni që burrat do të kenë uri dhe do të kërkojnë mbushjen me Frymën e Shenjtë për të jetuar një jetë të kontrolluar nga Fryma që korr fitore mbi mishin (Efesianëve 5:18)

29. Fryti i Frymës nuk mund të prodhohet nga natyra e rënë. Shpesh ne dekurajohemi sepse përpiqemi të prodhojmë frytet e Frymës së Shenjtë në energjinë e mishit. Lutuni që burrat do të vdesin ndaj mishit të tyre dhe do t'i dorëzohen ditë për ditë madje dhe orë pas ore Frymës së Shenjtë që është i vetmi që mund të bëjë të rrjedhin frytet e tij përmes nesh. Lutuni që jeta juaj do të reflektojë dashurinë e Jezusit, në mënyrë që të tjerët të shohin Jezuin në jetën tuaj. (2 Kor. 4:11)

30. Statistikat tregojnë ndikimin e jashtëzakonshëm që një burrë besimtar në mirëqenien e familjes së tij. Lutuni që Zoti do të vazhdojë të përdorë përpjekjen e shërbesës së burrave të TWR-së, përmes lutjeve, programeve radiofonike dhe grupeve dishepullizuese për të inkurajuar burrat e krishterë të jenë drejtues të perëndishëm të martesave dhe familjeve të tyre.